

*Dialectica  
et Rhetorica*

*Micani (Stephani): Dialecti-  
cae et Rhetoricae prae-  
cepta.*

*Crac. Lazarus Andr. 1561.*

Biblioteka Jagiellońska.



*X. a. 17.*



299

CIMELIA

Gram. 321

# DIALECTI- CAE ET RHETO-

RICÆ PRÆCEPTA,

A' STEphano Micano Iuvene  
admodum, in vsum discipu-  
lorum suorum col-  
lecta:

Nunc uerò, opera Venerabilis Domi-  
ni Magistri, Ioannis Caspa-  
ris, Leopoliensis,  
in lucem e-  
dita.



CRACOVIAE,  
LAZARVS ANDREÆ  
EXCVSSIT.

Anno uirginei partus,  
M. D. LXI.

x.a. 17.



IOANNES CASPA-  
RIS LEOPOLIENSIS, IN  
ACADEMIA CRACOVI-  
ENSI PROFESSOR AR-  
TIVM, STUDIOSO  
LECTORI,  
S. P.

P

Eroportune profecto acci-  
dit optime Lector: vt dum ego  
Illustri & admiranda indole vir-  
tutis puero, Andree Tenczynio,  
Illustris & Magnifici ANDREAE  
Comitis in Teczyn, Palatini Lu-  
blinens: filio, tenello illi quidem,  
sed erga bonarum artium stu-  
dia flagrantissimo, Dialectices as-  
liquem gustum proponere co-  
gito: ecce mihi forte fortuna in-  
cideret in manus, Libellus prae-  
ceptorum Dialectices simul atq;  
Rhetorices, quae Stephanus Mis-  
canus admodum adolescens, su-  
A n orum

Sim. D. 299

BIBLIOTECA UNIV.



JAGELLONICA



orum in gratiam discipulorum, non ignorare puto. Fit plerunq[ue]  
 dictarat. Quæ cum viderem nō vt qui sit breuior, non sit nō ob  
 ætati solum Illustris pueri, sed scurior: verum ita est, mihi cre  
 etiam vtilitati tuæ multum conde, Micanus breuitate perspicu  
 uenire ac conferre, quominus us, & perspicuitate clarus, vt bre  
 laterent amplius, sub incudem uior an clarior fuerit, vix dum  
 dare non dubitavi: certò mihi iudicare queas. Multorum lucu  
 persuadēs, vel sola breuitate atq[ue] brationibus nihil detractum cu  
 methodo, multum sibi & autho pio, illud tamē affirmare ausim,  
 ritatis & commendationis apud prima Dialectices in adolescen  
 omnes comparatura. Ego enim tioribus initia, si iacienda sunt,  
 ita semper iudicaui, nihil esse ad non aliunde quàm ex his peten  
 formandos adolescentulos, succ da esse. Quod quidem non diffi  
 cincta PRæceptorum breuitate culter commonstrarem, si non  
 commodius, nihil ad maturiores ipsa pro se disertè ageret.  
 rem studiorum fructum ocyus Fac igitur candide LECTOR,  
 comparandum, aptius. Difficile vt dum fructum vberem ex bre  
 dictu esse, quantum moræ pleuioribus hisce captas, gratitudi  
 runq[ue] adferat festinatio, non is ne animi maiora à clarissimo  
 gnoro: atq[ue] inter succinctā docen iuxta quàm doctissimo nūc iam  
 di rationē, et intēpestā festinatio viro, elicere contendas. Hoc te  
 onē p[er] multū interesse, te vicissim mihi credere velim, nec laboris

non in

A in in per



in perdiscendis his pœnitudo,  
nec te fructus capiet vnquam sa-  
cietas. Vale, & nostrum hunc  
in edendis alienis conatum, do-  
nec interim nostra maturescant,  
boni consulas. Datæ Cracouiæ  
è Collegio Maiori, xx Mensis  
Martij. Anno 1561.

ANDREAS KOSTKA  
IOANNI MUGOVIO, AMI-  
CO SVAVISSIMO,

S. D.  
**D**ialecticæ & Rhetoricæ Præcepta,  
quæ habui à STEPHANO MICANO, Præcep-  
tore mihi amantiſſimo & fidelisſimo,  
collecta: ea tibi nunc mitto legenda & in-  
telligenda, ut agnosceres nihil eſſe, quod  
non æquè expetam tibi ac mihi ipſi. Ar-  
ridebunt autem tibi hæc Præcepta, tum  
propter breuitatem, tum perſpicuitatem:  
quibus inſtructus, facile una mecum, ad  
altiora peruenire poſſis. Vale. Marien-  
burgi, xviij Auguſti. Anno Do: M.D.xli.

Ad Stu-

AD STUDIOſAM IUVVENTV-  
TEM IOANNIS MILII LIBEN-  
RODENSIS PPOTPERTIKON.

**C**allidus ambiguas extruxit Dædalus ædes,  
E quibus egreſſum uix reperire datum eſt.  
Hæc ſi fortè domos incautior iuit in amplas,  
Haud reditus unquam ſpes fuit ulla uiro.  
Ambages tot erant, tot erant flexusq; uiarum,  
Et tot erat grauibus ſemita plena dolis.  
Sed dux Cecropius ueniens Minois ad arces,  
E Labyrinthæis fraudibus egit iter.  
Namq; regens tenui uestigia plurima filo,  
Per uarias potuit certus abire uias.  
Sic quoq; ſtructa chorus doctōrū tēpla reliquit,  
Multaq; prudentes ſcripta dedere uiri.  
Hæc ſi quando uelis cupidus monumenta ſubire,  
Ambiguum dubia mente uidebis iter.  
At ne te remoretur, inſeruiſſibilis error,  
Fila tibi certo ſunt comitanda pede.  
En tibi ſcriptores Dialectica ſola legenti,  
E latebris faciles monſtrat ubiq; uias.  
Hæc aditum reliquas operoſa recludit ad artes,  
Faltaq; diſſoluens, uera uidere facit.  
Hæc ſacra Pierij ſectantem præmia cœtus  
Ducit, & ambages uſq; cauere monet.  
Ac tibi ne deſint iuuenis Præcepta, Micanus  
Hoc pueris ſcribens, perbreue donat opus.  
Vtere donatis, moneo, ſtudioſa inuentus,  
Et benè ſcribenti fauſta precare uiro.



AD LECTOREM LI-  
terarum auidum, æquumq;  
Iudicem.

Vt capit à rapido Phœbe sua lumina sole:  
Ac terris eadem fundere dona solet.  
Sic quæ dat Phœbus, quæ donant munera Musæ,  
Hæc alijs rudibus communicare decet.  
Impius est, quisquis præstantia munera diuûm  
Occultat proprijs usibus illa fouens,  
Sed quacunq; potest facilem ratione iuuentam  
Pieridum donis, quisq; iuuare iuuet.  
Sic nitida lumen doctrine crescet in orbe:  
Fiet pro meritis gratia cuiq; suis.  
Hoc equidem Stephanus recte fecisse uidetur:  
Cuius adornauit docta Minerva caput.  
Erudijt teneram pubem iuuenilibus annis:  
Et inuit doctis inscia corda libris.  
En etiam ueteris dantur monumenta laboris,  
Præsentis libri, lector amice, tibi.  
Hinc præcepta satis breuiter Dialectica quisq;  
Discere, perpulchram Rhetoricenq; potes.  
Sis igitur gratus, nomen celebresq; Micani:  
Qui cœu luna tibi lucida nocte micat.  
Seb: Felstineñ.

DIALE.

DIALECTICÆ  
COMPEN-  
DIVM.



QVID EST DIALE-  
CTICA?

**D**ialectica, est Ars differendi.  
Differere est, ordine aliqua de  
re dicere. hoc est: Definire, Dis-  
uidere, & Argumentari.

CIRCA QVID VERSATUR  
DIALECTICA?

**D**ialectica versatur, circa voces  
Simplices & Compositas.

Simplex vox est, cum de vno  
aliquo vocabulo tractatur, vt  
Virtus, Deus, Homo.

Composita, est ipsa Propositi-  
tio. vt, Virtus est summum bon-  
num.

A v Simplis



## DIALECTICAE

Simplices voces, Definitione  
et Diuisione explicantur. Com-  
positae autem probantur aut im-  
probantur, argumentando.

### DIVISIO DIALECTICAE.

Dialectica est duplex: Inueni-  
endi & Iudicandi.

Inueniendi, quae monstrat lo-  
cos è quibus Argumenta et ma-  
teria dicendi sumuntur.

Iudicandi, quae tradit formam  
explorandi, inuentum argumen-  
tum, an membra rectè cohaere-  
ant, nec ne.

Sed ut consequaris illa, opus  
est imprimis cognitione Prædi-  
cabilium & Predicamentorum.

## DE PRÆDICABI-

### L I B V S.

Quinq; sunt voces Prædicabi-  
les, Quae

## COMPENDIUM.

les, Quae ideo sic vocantur, quòd  
vna vox de alia prædicatur.

### EXEMPLVM.

☞ Genus, est nomen commu-  
ne, quod prædicatur de multis  
speciebus, in, quid est. Vt Ani-  
mal, de Homine, Lupo, Vrso,  
prædicatur in quid est: Nam di-  
co, Quid Homo? Est Animal.  
Quid Lupus? Animal.

☞ Species, est vox, quae de In-  
diuiduis prædicatur, vt Homo,  
de Petro, Paulo.

Indiuiduum autè dicitur, No-  
men proprium.

☞ Differentia, est propria rei  
nota, vt Homo à Lupo, propria  
differt nota, nempe ratione.

☞ Proprium, quod vni soli a-  
licui & vniuersae speciei compe-  
tit, vt Homini numerare.

Acci-



DIALECTICAE

☞ Accidens est, quod adest & abest alicui subiecto præter eius corruptionem. vt, Albedo potest tolli à pariete præter eius interitum.

EXPLICATIO PRÆDICATIONUM.

Genus est duplex. Generalissimum siue Supremum, quo non est aliud vocabulum communius, sicut sunt, decem Prædicamenta: Substantia, Quantitas, Qualitas, &c.

Subalternum siue Intermedium, quod diuerso respectu, aliàs Genus, aliàs Species vocatur. Nā respectu inferioris est Genus, respectu superioris est Species. Vt Animal, cum refertur ad hominem, est Genus: cum refertur ad animatum corpus, fit Species.

Species

COMPENDIUM.

Species autem iustissima & proxima Individuis, vocatur Species specialissima, vt hic Homo.

Species autem Simplex est, quæ potest esse Genus & Species. et sunt genera in his mediis.

Differentia est quædam Communis, quæ non exactè discernit Speciem à cognatis, vt bipedem esse, est differentia generalis hominis.

constituta Est etiam Specialis differentia, quæ exactè & propriè Speciem discernit ab alijs omnibus, vt Rationale discernit hominē à cæteris animantibus.

Proprium dicitur Quatuor modis. Primo, quod soli sed non omni conuenit, vt Homini esse Medicum.

Secundo, quod omni sed nō soli



**DIALECTICAE**

soli conuenit, vt Homini pro  
creatio.

Tertio, Quod omni & soli  
sed non semper conuenit, vt ca  
nescere, conuenit omni & soli  
homini, sed non semper.

Quarto, Quod omni, soli, &  
semper conuenit, vt Homini ri  
dere.

**APPENDIX.**

Proprium & Differentia, com  
muni consuetudine pro eodem  
vsurpantur, vt Sermo in homi  
ne, aliâs Proprium, aliâs Diffe  
rentia dicitur: hoc tamen diffe  
runt, quod Proprium signifi  
cat propriam passionem, vt sin  
gulæ voces, singulorum animan  
tium: Differentia verò partem.

Accidens duplex est: Separabi  
le, vt Calor, Frigus in corpore:

Latius

**COMPENDIUM.**

prædicari, Differentiam cum Spe  
cie cognatam esse. Sic in Prædi  
camentis Generum, Specierum  
et Differentiarum, ordines &  
gradus notandi sunt.

**DECEM IGITUR SUNT PRÆ  
DICAMENTA.**

Substantia, Quantitas, Qualitas,  
Adaliquid, Actio, Passio, Vbi,  
Quando, Situs, Habitus. Est  
quoddam etiam vocabulū com  
munissimū, quod vocatur Ens,  
siue Res, aut Transcendens, ideo  
quod transcendit omnia ista de  
cem Prædicamenta. Et hoc diui  
ditur in Substantiam & Acci  
dens: Primum Prædicamentum  
continet Substantias, Reliqua  
nouem, sunt ordines Accidenti  
um, vt patebit.

**QVID EST SVBSTANTIA?**

B

Substan-



# DIALECTICAE

Substantia est res, quae per se subsistit, etiam si illi nullum accidens accedat, ut Homo manet etiam si nunquam albescat aut nigrescat.

## SEQUITUR CLASSIS SUBSTANTIARUM.

Genus Generalissimum.

Diffe rentia	Corporea	Substantia	incorporea	Diffe rentia
	Simplex	Corpus	Mixtum.	
	Animatum	Corp: mixtum	Inanimatum.	
	Sentiens	Corp: animatum	Non sentiens	
	Ratio predictum	Animal	ex parte rationis	
	Plato,	Homo.	Aristoteles	

Species specialissima.

## QUID EST QUANTITAS?

Quantitas, qua res redditur mensurabilis, vel secundum magnitudinem, vel multitudinem.

## QUANTITAS EST DUPLEX.

Continua, est magnitudo, cuius partes coherent communi termino,

# COMPENDIUM.

Discreta, est multitudo, cuius partes non coherent, ut in numero, 1 2 3 4 hic partes non coherent.

## SPECIES CONTINVAE QUANTITATIS SUNT TRES.

Linea, est cum longitudo tantum concipitur.

Superficies, est longitudo & latitudo.

Corpus, est longitudo cum latitudine & profunditate.

## OBIECTIO.

Cur numeras corpus in Quantitatem cum sit Substantia?

## RESPONSIO.

Corpus dupliciter consideratur, Physice & Mathematicè. Corpus Physicum est Substantia, at Corpus Mathematicum est Quantitas: cum scilicet tantum longitudo  
B n gita



# DIALECTICAE

gītudo, latitudo, & crassitudo  
consideratur.

*SPECIES DISCRETE QUAN-  
TITATIS SVNT DVE.*

Vna Numerus, altera Oratio,  
quatenus pronuntiando scz̄t syl-  
labę longę et breues discernunt̄.

*IN HOC PRÆDICAMENTVM  
mensurę liquidorum et aridorum sunt  
referendę.*

Aridor- um.	{	Modius.	{	Amphora.
		Semimodius.		vrna.
		Septarius.		Quartarius
		Cyathus.		

Et mensurę etiam Geometricę,  
vt pes, passus, cubitus, mille pas-  
sus, miliare.

*QVID EST QUALITAS?*

Qualitas est, qua res quales esse  
dicuntur, vt, Albedine est albus,  
bonitate bonus.

Species

# COMPENDIVM.

*SPECIES QUALITATIS EST  
QUADRVPLEX.*

¶ Prima est Habitus et dispos-  
itio, quę differunt:

Habitus est qualitas animi vel  
corporis, longo vsu comproba-  
ta, qua ad agendum prōptiores  
et certiores reddimur, vt ars be-  
ne dicendi, saltandi.

Dispositio autem est, ad rem  
aliquam affectio, sed nondum  
longo vsu & tempore corrobo-  
rata.

# APPENDIX.

Habitus mentis, aut est in intel-  
lectu, aut in voluntate. In intel-  
lectu sunt omnes artes & sciens-  
tię. In voluntate sunt virtutes  
et vitia.

¶ Secunda Species naturalis  
facultas seu potentia, & impos-

B iij      tens



DIALECTICAE.

tentia naturalis, hæc dicitur, quæ  
quis natura reluctantē, aliquid  
agere conatur, illa verò est ad  
rem aliquam propensior.

UTRAQUE EST DUPLEX.

Animi, vt docilis, indocilis:  
memor, immemor, sæuus, mitis,  
placidus.

Corporis, vt robur, velocitas,  
duricies, segnitia, alacritas, venas-  
ticus. &c.

☞ Tertia Species, passio seu af-  
fectus, & est auersa à recta ratio-  
ne contra naturam animi com-  
motio, vt leticia, dolor, spes, mos-  
tus, amor, ira, odium.

HIC AFFECTVS EST  
DUPLEX.

Animi scilicet & Corporis.

ANIMI EST DUPLEX.

Vnus in appetitu sensitivo est,  
qui hos

COMPENDIUM.

qui hominem huc & illuc rapit.  
Alter est in ratione, qui docet et  
explanat, quid faciendum fugi-  
endumue sit.

Corporis affectus est, qui sen-  
sus externos mouet.

vt	{	Color	} mouet	{	Visum.
		Sonus			Audium.
		Odor			Olfactum.
		Sapor			Gustum.
		Humidum			Tactum.

☞ Quarta species, forma est et  
figura, quæ differunt: Nam Fi-  
gura est collatio partium, vt in  
triangulo. Δ

Forma autem est species &  
pulchritudo figuræ, quæ ex col-  
latione emergens, cadit sub sensu  
vnde formosi & deformes  
dicuntur. In hac figura autem  
specie nomina ædificiorum re-  
ponuntur, vt templum, palaci-

A iiii um,



# DIALECTICAE

um, curuum, rectum, fastigiatum,  
semirectum, erectum.

## APPENDIX.

Similitudo oritur ex Qualitate,  
æqualitas autem aut inæqualitas  
ex quantitate.

## QVID EST RELATIO?

Relatio est mutua rerum col-  
latio. Vt,

Pater	} confertur cum	filio.
Dominus		seruo.
Cōsitus locus.		inculto.
Iuuenis		senē.
Æquale		inæquali.
Simile		disimili.

Finire nomina Relationis non  
est difficile, Nam illorum defi-  
nitio est Ethimologica, vt, Pater  
dicitur qui habet filium. Creditor,  
qui pecuniam credit: Debitor,  
qui debet: Locator, qui locat  
domum: Conductor, qui con-  
ducit domum.

Quid

# COMPENDIUM.

## QVID EST ACTIO?

Actio est applicatio agentis ad  
patiens, vt Calefactio ignis, est  
applicatio ignis ad aquam quæ  
calefacit.

## QVID EST PASSIO?

Passio est applicatio patiētis ad  
agens. Vel est affectus actionis:  
vt, calefactio aque, est applicatio  
aquæ ad ignem.

## QVID EST VBI?

Vbi, est notatio loci, & compre-  
hendit discrimina locorum, quæ  
sunt, superius, inferius, dextrum,  
sinistrum: Anticum, posticum.

## QVID EST QUANDO?

Quando comprehendit tempus  
et partes temporis, præsens, præ-  
terium, futurum, heri, cras. &c.

## SITVS QVID EST?

B v

Situs



# DIALECTICAE

Situs est, cum totius corporis, tum partis dispositio, vt, stare, sedere, iacere, cubare, supinum esse, pronum esse.

## HABITVS QVID EST?

Habitus, hic significat rationem vestiendi, & comprehendit nomina vestium, vt tunicatum, palleatum, togatum, ocreatum, caligatum, galeatum, pileatum.

## VSVS PRÆDICAMENTORVM.

Vsus Prædicamentorum est magnus: Nam in primis theमतः simplicis in medium propositi definitionem perscrutaturus, ad hos generales rerum ordines seu ad sacram anchoram confugies, & hinc definitionem theमतः expromes.

Fabius Quintilianus, Substantiam, Qualitatem, Quantitatem, Relationem, ad status Rhetoricos pertinere scribit: Nam proposito themate simplici, per hæc quatuor Prædicamenta, illud tractandum putat. Adeo vt primo dicas de Substantia, id est, quid sit, vt, Quid sit iusticia: est virtus reddens unicuique quod suum est. Deinde, quanta sit res, id est, in quot partes diuidatur: Sic duplex erit iusticia, Ciuilis et Diuina. Tercio, qualis sit res, qualitas ne sit vel animi vel corporis, vt, utilis ne sit. Quarto, habet at ne res ista mutuum cum alia re respectum: sic iusticia conferatur cum iudice.

# COMPENDIUM.

tiam, Qualitatem, Quantitatem, et Relationem, ad status Rhetoricos pertinere scribit: Nam proposito themate simplici, per hæc quatuor Prædicamenta, illud tractandum putat. Adeo vt primo dicas de Substantia, id est, quid sit, vt, Quid sit iusticia: est virtus reddens unicuique quod suum est. Deinde, quanta sit res, id est, in quot partes diuidatur: Sic duplex erit iusticia, Ciuilis et Diuina. Tercio, qualis sit res, qualitas ne sit vel animi vel corporis, vt, utilis ne sit. Quarto, habet at ne res ista mutuum cum alia re respectum: sic iusticia conferatur cum iudice.

Alia vero sex Prædicamenta ad certos argumentorum locos referuntur, vt, Prædicamentum Agere



# DIALECTICAE

Agere, eò facit vt intelligamus, sciens ne cõmiserit quis aliquid, an insciens: necessitate vrgente, an casu. Aut quo instrumento quis quid fecerit. Gladio ne an securi: quo gestu seu impetu.

Pati, huc respicit, cùm quis se indigna passum, grauiter letum, iniurijs oneratum, conquiritur.

Vbi, huc facit, quo loco quis hoc vel illud commiserit, an in coetu populi, aut domi, tẽploũe.

Quando, huc facit, quo tempore quid factum sit. Sic grauius punitur factum, quod die sacro commissum est. Huc etiã facit, in quam ætatem quodlibet cadat. Terentius. Amauit dum ætas tulit.

Situs, præbet etiam argumentum, vbi hoc vel illud sit factũ, an in

# COMPENDIUM.

an in loco plano vel hirto. Sic loca et vrbes à situ commẽdant.

Habitus, suppeditat argumẽta Vergilio 4 Æneid: vbi describit Didonis profectionem ad Æneam, venandi causa.

*Tandem progreditur magna stipante caterua,  
Sidoniam picto chlamydem circumdata lymbo:  
Cui pharetra ex hũero, crines nodatur in aurũ,  
Aurea purpuream subnectit fibula uestem.*

## Item 1 Æneid.

*Cui mater media sese tulit obuia sylua,  
Virginis os habitumq; gerẽs ex uirginis arma.*

Habes iam carptim tractatas quinque Prædicabiles voces, quæ ab alijs vniuersalia vocantur, ac decem Prædicamenta, ex quibus omnibus ars differendi nascitur, hoc est, Definitiones, Diuisiones, et Argumentationes. Restat vt singula breuiter explicentur.

De Defi



## DE DEFINITIONE.

*QVID EST DEFINITIO?*

Definitio, est oratio, quæ nominis & rei vim ostendit. Nominis, vt Cicero primo Officiorum definiens nomen fidei dicit: Fidem appellatam esse, quia credimus. Definitio Rei constituitur ex Genere & Differentia, vt Homo est animal præditum ratione. De legibus Definitionum inferius percipies.

## DE DIVISIONE.

*QVID EST DIVISIO?*

Diuisio, est Generis in Species per differentias diductio. Qui enim bene distinguit, bene docet. Sine Diuisione Plato affirmat, nihil certo neque intelligi, neque explicari posse. Itaque Socrates in

tes in Phædro ait: Si quem diuidendi peritum inuenerit, eius se vestigia tanquam Dei sequi solere.

*QUATVOR SVNT DIVISIONIS SPECIES.*

Vocabuli in significata, Vt canis, aliàs piscem, aliàs sydus coeleste, aliàs animal domesticum significat: quod trifariam diuidimus.

Generis in Species, idque per differentias, vt animal diuiditur in hominem & bouem, per rationale & irrationale.

Totius in partes, vt Corpus hominis totum diuidimus in caput, ventrem, pectus, pedes, manus, & hæc vocatur Partitio.

Subiecti in Accidentia, vt, Scholasticorum alij sunt studiosi, alij



DIALECTICAE

fi, alij nebulones. Definitio igitur & Diuisio explicat voces simplices: at compositas seu propositiones, argumenta tractant. Quare de Propositionibus et Argumentationibus attentè leges.

DE PROPOSITIONE.

QVID EST PROPOSITIO?  
Propositio est oratio verum uel falsum significans.

VTILITAS PROPOSITIONIS.

Vtilis est Propositio in omni scriptorum genere.

PARTES PROPOSITIONIS DVÆ.

Subiectum, est de quo aliquid dicitur, vt homo.

Prædicatum est, quod de alio quo prædicatur, vt bulla.

Propos

COMPENDIUM.

PROPOSITIO SECVNDVM

*Substantiam est Duplex.*

Catégorica, latine prædicatoria vel accusatoria dicitur: constat ex nomine & verbo, vt homo viuit.

Hypotetica, latine suppositoria vel conditionalis dicitur: constat ex duabus Catégoricis, per Coniunctionem copulatiuam, vt, Omnia amicorum sunt equalia, & amicitia est æqualitas.

HYPOTETICA PROPOSITIO EST TRIPLEX.

Conditionalis, quæ non pure sed conditionaliter aliquid enuntiat, vt si dies est, sol super terras est.

Copulatiua, Homo est animal ratione præditum, et bos est animal brutum.

C

Disiunctiua



## DIALECTICAE

Disiunctiua, Aut malum est voluptas, aut bonum.

### PROPOSITIO SECVNDVM

*Qualitatem est Duplex*

Affirmatiua, quando prædicatum affirmatur de suo subiecto, vt homo est animal rationale.

Negatiua, quando prædicatum negat de suo subiecto, vt, Homo non est animal rationale.

### PROPOSITIO SECVNDVM

*Quantitatem est Quadruplex.*

Vniuersalis, Particularis, Indefinita, & singularis.

¶ Vniuersalis, cui iueſt particula vniuerſalis, ſicuti ſunt: Omnis, Nemo, Nemo nō, Quis non, Nihil non. Quantum, vt, Quantum est hominum? id est, omnes homines. Quicquid, vt, quicquid erat copiarum, id est, omnes copias. Item, Quædam Prouerbia ſunt Propositiones vniuerſales,

## COMPENDIVM.

vt illud, Miſcebis ſacra prophænis, id eſt, omnia confundes. Omnes homines melius eſſe ſibi malunt, quàm alteri.

¶ Particularis, cui ineſt particularis particula, ut ſunt, Quidā, Quædam, Aliquis, Plerique, vt, Plerique homines non prius ſapiunt, quàm accepto malo.

¶ Indefinita, quæ nullo ſigno eſt circumſcripta, vt Magiſtratus ſunt honore afficiendi.

¶ Singularis, in qua eſt Indiuiduū, vt Milo iure Clodium occidit. aut, hic eſt filius meus dilectus.

## APPENDIX.

Modi quærendi de ſupradicta propositionis diuiſiōe ſunt tres: Quæ, Qualis, & Quanta. Quæ de Subſtantia querit: Qualis de Qualitate: Quanta, de Quantitate Propositionum.



DIALECTICAE  
MATERIA PROPOSITI-  
ONVM.

Materia Propositionum, est res  
spectus prædicati ad subiectum.

QVÆ EST TRIPLEX.

☞ Naturalis, Cum prædicatū  
est de natura subiecti, vel propri-  
um eius, vt homo est animal, ho-  
mo est visibilis.

☞ Contingens, Cum prædica-  
tum potest esse & abesse subie-  
cto, præter eius corruptionem,  
vt, Homo est albus, Homo est  
Musicus.

☞ Remota, quando prædica-  
tum non potest conuenire sub-  
iecto, vt homo est asinus.

Cognitio istarum propositionū  
parit iudicium, Necessaria enim  
fidem & scientiam, Contingen-  
tia opinionem & coniecturam,  
pari

COMPENDIUM.

pariunt. Pugnancia verò sicuti  
naturæ ita artis quoq; harmoni-  
am dissoluunt.

DIFFERUNT ISTA.

☞ Scientia, est assensus firmus,  
habens demonstrationes ratiōis.

☞ Opinio, est assensus firmus,  
non habens demonstrationes.

☞ Fides, est assensus firmus er-  
ga promissionem diuinam, sine  
demonstratione rationis, in au-  
thoritate verbi Dei acquiescens.

☞ Demonstratio, est probatio  
necessaria & certa ex principijs  
collecta.

☞ Principia sunt notitiæ diui-  
nitatis insitæ in natura quæ nobis  
scum nascuntur, & quibus om-  
nes sani naturaliter assentimur,  
vt, Omne totum maius est sua  
parte.



DIALECTICAE

SCIENTIA DIFFERT AB  
ARTE.

Scientia est, quatenus inquit  
rit demonstrationes rationis.

Ars verò, cum ad vsū refert,  
Notitia autem est rei simplicis,  
puta dictionis aut complexi seu  
compositi, nempe propositionis.

PUGNA SEU OPPOSITIO  
PROPOSITIONVM.

Pugnantia seu oppositio Propo  
sitionum est eiusdem subiecti &  
prædicati, binarum in qualitate  
& quantitate, vel in harum sin  
gulis pugnantia.

PUGNA PROPOSITIONVM  
est Quadruplex.

Contraria, quando duæ pro  
positiones vniuersales eiusdem  
subiecti & prædicati, altera affir  
matiuæ, altera negatiuæ pugnāt.

Vt, Omne

COMPENDIUM.

Vt, Omne animal spirat, Nullū  
animal spirat.

Natura contrariarū hæc est,  
quod nunquam possunt esse si  
mul veræ, licet in contingentib  
us possunt esse simul falsæ. Vt,  
Omnis homo pius, Nullus ho  
mo pius.

Subcontraria, quando duæ  
particulares sola qualitate pug  
nant, vt, Quoddam animal spi  
rat, Quoddam animal non spi  
rat.

Natura harum est, quod nū  
quam possunt esse simul falsæ,  
licet in contingentibus simul ue  
ræ accidere possunt, vt, quidam  
homo est Orator, Quidam ho  
mo non est Orator.

Contradictoria, quādo duæ  
Propositiones eiusdem subiecti  
C iij et præ



# DIALECTICAE

et prædicari, Qualitate & Quãtitate pugnant, vt sunt, Vniuersalis affirmatiua & particularis negatiua, aut contra.

Natura harum est, Quòd si vnum est verum, alterum sit falsum, vt, Plato differit, Plato non differit.

☞ Subalterna, Particulares sũt ex vniuersalibus collectæ, vt, Omnes homines spirant, Quidam homines spirant.

*QUE PVGNA SIC IN FIGVRAM REDIGITVR.*

Omne animal spirat.

Contrarie.

Nullũ animal spirat.

Subalterne

Cõtradi

ctorie

Cõtradi

ctorie

Subalterne

Quoddam animal spirat.

Subcontrarie.

Quoddam animal nõ spirat.

Vsus pugnatium Propositionũ valet

# COMPENDIVM.

valet ad Confirmationes, sit enim manifestum nobis, quæ inter se dissident nunquam. Valet etiam ad refutationes, vt possimus aduersario obijcere, pugnantia ab illo in medium esse producta, proinde eius dicta nullius momenti esse. Sed cõuersio Propositionum utilis etiam est ad multa, quæ est subiecti in prædicatum commutatio, quæ tibi ex alijs cum æquipolentiarum canonibus patebunt.

*MODALIS PROPOSITIO.*

Modalis Propositio appellatur, quæ effertur, per  
Possibile      Impossibile,  
Contingens      Necessarium,  
Verum      Falsum,  
Vtile      Inutile,  
Facile      Difficile,

C v

Cers



# DIALECTICAE

Certum	Incertum,
Consuetum	Insuetum,
Iucundum	Iniucundum,
Decorum	Indecorum.

Vt,

Possibile est Turcam tota Vn-  
garia expulsum esse.

Facile est disertam causam vin-  
cere.

Difficile est aduersus stimulum  
calcitrare.

## ARGVMENTATIO,

GRÆCE SYLLOGISMVS.

Argumentatio, est oratio in  
qua quibusdam positis & neces-  
sis, necesse est aliud euenire per  
ea quæ posita sunt. Id est, Est o-  
ratio, in qua positis duabus Pro-  
positionibus necessario sequitur  
Conclusio. Argumentari enim  
nihil aliud est, quàm aliud ex as-  
sumptione ostendere.

# COMPENDIVM.

lio ostendere, hoc est, ex Propo-  
sitionibus Conclusionem colligere,  
vt statim patebit.

## PARTES SYLLOGISMI SVNT.

Duæ Propositiones:

Conclusio.

Tres termini: Id est, voces seu  
appellationes, è quibus Syllogis-  
mi conficiuntur.

## DECLARATIO.

¶ Prima Propositio Maior  
vocatur, quia est sententia quæ-  
dam communis, in qua Argu-  
menti cardo vertitur, vocatur  
Iudicatum aut Firmamentum.

¶ Secunda Propositio Minor  
vocatur seu negocium, id est,  
Causa, de qua controuersia est  
orta.

¶ Conclusio, est Propositio  
appro-



# DIALECTICAE

approbata duabus Propositionibus, hæc vocatur status.

## DECLARATRES TERMINOS.

☞ Maior terminus est qui ponitur in maiori proloquio extra medium.

☞ Minor terminus, qui ponitur in minori proloquio extra medium.

☞ Medium autem est terminus, qui sumptus in duobus proloquijs non sumitur in Conclusionem. Nam Medium à Conclusionem arcetur.

## CVR MEDIVS TERMINVS Medium uocatur?

Quia in eo alij duo termini iunguntur, puta Maior & Minor.

## DECLARAREXEMPLO.

Quicquid

# COMPENDIUM.

Quicquid appetitur est bonum,  
Voluptas appetitur. Igitur  
Voluptas est bonum.

Ecce vides quomodo verbum appetitur est Terminus medius, in quo alij duo termini iunguntur nempe bonum & voluptas: Ergo bona est Argumentatio, iuxta illam Regulam Dialecticorum:

☞ Si duo cuidam tercio consentanea sunt, inter se consentanea esse dicimus, & ratiocinationem consentaneam esse affirmamus.

Scies facile componere Syllogismos, cognita prius Figura et Modo.

## FIGVRA ET MODVS SYLLOGISTICVS.

Figura est apta Medij termini collocatio in duobus proloquijs.

Modus

*Si duo p[ro]p[os]i-  
tiones p[ro]p[ri]e  
et p[ro]p[ri]e  
consequen-  
tiales  
sunt p[ro]p[ri]e  
consequen-  
tiales  
p[ro]p[ri]e  
consequen-  
tiales*



# DIALECTICAE

Modus est apta dispositio Propositionum in ipsarum Quantitate & Qualitate.

Hic obserua tres Regulas, & postea vocabula artis Dialectice.

## PRIMA REGVLA.

☞ Ex puris particularibus propositionibus nihil sequitur.

## SECVNDA REGVLA.

☞ Ex puris negatiuis nihil certi colligitur.

## TERTIA.

☞ Si aliquod proloquium in Syllogismo fuerit particulare aut negatiuum, Conclusio etiam erit particularis & negatiua.

## VOCABVLA ARTIS.

A. notat vniuersalem Propositionem affirmatiuam.

E. notat vniuersalem negatiuam.

I. Particularem affirmatiuam.

O. Particularem negatiuam.

Figurae

# COMPENDIVM.

## FIGVRAE SYLLOGISTICAE

### SUNT TRES.

## PRIMA FIGVRA.

Prima Figura, est <sup>diuina</sup> ratiocinatio, in qua Medium in maiori proloquio subiecti loco: in minori praedicati loco ponitur.

## MODI PRIMAE FIGVRAE

### SUNT QVATVOR.

☞ Fac igitur Syllogismum in prima figura & modo primo. Scias autem nullum esse vsum aliarum literarum in Modis, nisi si vocalium tantum.

Bar Omne malum est fugiendum,

Ba Omne homicidium est malum. Ergo

Ra. Omne homicidium est fugiendum.

Ce Nullum animal est lapis.

La Omnis homo est animal. Ergo  
Rent, Nullus homo est lapis.



DIALECTICAE

Da Omnes sediciosi iure puniuntur.

Ri Catilina fuit sediciosus.

Ergo

I. Catilina iure punitus est.

Fe Nullus Magistratus iure occiditur.

Ri Caius Cæsar fuit Magistratus. Ergo

O. Caius Cæsar non est iure interfectus.

SECUNDA FIGURA.  
R. A.

Secunda Figura est, in qua Medius terminus tum in minori proloquio predicati locum sibi vendicat.

MODI SECUNDÆ FIGURÆ  
SUNT QUATVOR, sed  
Negativi.

Cæsa re.

COMPENDIVM.

Ce Non est infringēdū quod Deus edixit,

Sa Omnes parētes honore afficiēdos Deus edixit. Ergo

Re. Honor parentum non est infringendus.

Ca Omnis Christianus credit se per Christum seruari.

Mes Nullus Iudæus credit se per Christum seruari. Ergo

Tres. Nullus Iudæus est Christianus.

Fes Nullus avarus est Christianus.

Ti Theologi sunt Christiani. Ergo

No. Theologi non sunt avari.

Ba Omnes qui ex Deo sunt verbum Dei audiunt.

Ro Iudæi verbum Dei non  
D audis



DIALECTICAE  
audiunt. Ergo

Co Iudei non sunt ex Deo.

Huius Figure est magna vtilitas in Causis coniecturalibus, aut deliberatiuis. verbi causa, Vt si deliberatio sit, an linguarum studia sint excolenda, deliberationem hoc Syllogismo expedites, sic ratiocinans.

Omne illud non est omittendum quod verum Dei cultum auget. Linguarum studia verum Dei cultum augent. Ergo Linguarum studia non sunt omittenda.

### TERTIA FIGURA.

Tertia Figura est, in qua Medium vt in maiori ita in minori proloquio subiecti loco ponitur.

HÆC HABET SEX MODOS.

Da rap ti.

### COMPENDIUM.

Da Quicumque plurimum cupit pauper est.

Rap Quicumque plurimum cupit auarus est. Ergo

Ti. Auarus aliquis pauper est.

Fe Nulla virtus fugienda est.

Lap Omnis virtus labore paratur. Ergo

Ton. Labor aliquis fugiendus non est.

Di Nonnullæ voluptates turpes sunt.

Sa Omnis voluptas delectat.

Mis. Quædam igitur quæ delectant turpia sunt.

Da Omnis voluptas delectat.

Ti Quædam voluptas turpis est

Si. Turpe igitur aliquod delectat.

D ij

Bo car



DIALECTICAE

Bo Quædam voluptas non est licita.

Car Omnis voluptas est suavis in sensu motus. Ergo

Do. Quædam suauitas sensus non est licita.

Fe Nulla turpitudine est legibus comprobanda.

Ri Quædam turpitudine est secundum naturam. Ergo

Son. Quædam Naturalia non sunt legibus approbanda.

Haftenus Syllogismus perfectus tractatus est, Nunc relique Argumentationum species sunt ordine considerandæ, maxime frequentes.

PRIMUM EST.

Enthymema, latine commentum, et constat ex maiori proloquio cum

COMPENDIUM.

cum Conclusionem, & ideo vocatur mutilatum argumentum, ut,

EX MAIORI.

Veneficus est damnandus. Ergo Cælius iure damnatur.

EX MINORI.

Cælius est veneficus. Ergo Cælius iure damnatur.

Prima pars Enthymematis vocatur Antecedens, Altera pars Consequens dicitur.

SECUNDA SPECIES ARGUMENTATIONIS.

Inductio, quando ex multis singularibus probatur vniuersale, ut iustitia, Prudentia, Fortitudo, Liberalitas veniunt honesti appellatione. Ergo omnis virtus moralis honesti appellatione venit. Græci hanc ratiocinationem vocant επαγωγή.

D iij Tertia



## DIALECTICAE

## TERTIA SPECIES ARGUMENTATIONIS.

Exemplum, quod Græci vocāt *παράδειγμα*, Est argumentatio in qua vnum ex alio propter mutuum quendam consensum, atq; similitudinem inductionis more colligitur, vt si proponas viri fortis esse officium, tueri constanter patriam contra insultus hostium, statim venit tibi in mentem Cocles ille apud Lium in ij lib: ab vrbe condita, Qui arcēdo hostes, in Tyberim præcipitem se ex ponte dedit, ac incolomis ad suos tranauit: quo quidē exemplo ac alijs exemplorum dictis, Sententijs, Parœmijs, Allegorijs, Parabolis, Apologijs cohortari & persuadere aliquid possis.

Quarta

## COMPENDIUM.

## QUARTA SPECIES ARGUMENTATIONIS.

Coaceruatio, quando res eiusdem Prædicamenti ceu gradatione coaceruantur, vt, quod quercus est, arbor est: quod arbor est, substantia est.

☞ Sunt aliæ multæ Argumentationes, quarum duas subiiciam oculis tuis.

## PRIMA EST.

Complexio, in qua vtrum concesseris reprehenditur, vt, Aut legisti pœtas aut non legisti. Si legisti cur me legentem pœtas accusas? Si non legisti, cur quæ non legisti, damnas?

## SECUNDA ARGUMENTATIO EST

Violatio, In qua ex aduersariorum ratione, non id quod ipsi volunt,

*Violatio quædam dicitur, in qua non est consentaneum, sed contrarium.*



# DIALECTICAE

lunt, sed quod pro nobis est, se  
qui demonstramus.

¶ Hac specie utimur in Con  
futatiōe: Ut si quis diceret, Iuris  
candidatum, à lectione poëtarū  
pariter & Oratorum oportere  
abstinere. Et rationem adferet  
istam, Quia hi tantum ad lin  
guam expoliendam faciunt.

Nos impugnabimus dicendo:  
Imò verò hoc nomine, Iuris stu  
diosus, tam poëtas quàm Orato  
res diligentissimè leget, quòd hi  
ad cultum lingue qua Iuris con  
sulto cum primis utendum est,  
conferunt.

OCCVRRunt sæpenumero vi  
tiosæ Argumentationes, quas di  
sces facile ex alijs, propter euitā  
das fallacias. Hic tibi tres pono.

## PRIMAM IN DICTIONE.

Iste

# COMPENDIVM.

Iste pannus est de Anglia.

Anglia est terra. Igitur

Iste pannus est terra. Item.

Deus est ubiq̃.

Ubiq̃ est Aduerbium. Igitur

Deus est Aduerbium. Item.

Quicquid ridet habet os,

Pratum ridet. Igitur

Pratum habet os.

## SECUNDAM IN ACCENTV.

Omnis populus est arbor.

Gens est populus. Igitur

Gens est arbor.

## TERTIAM IN ORATIONE.

Tu es qui es.

Quies est requies. Igitur

Tu es requies.

Hæc Aristoteles in suis fallacijs  
diligenter complexus est, et Philo  
lippus.

D v

De Lo



DIALECTICAE  
DE LOCIS ARGV<sup>MENTORVM</sup>.

Locus est sedes Argumentorū.  
Argumentum, est oratio quæ  
rei dubiæ facit fidem.

DVPLICES SVNT LOCI.  
Quidam sumuntur à Personis,  
quidam à Rebus.

A' PERSONIS.

LOCVS A' GENERE.

Parente optimo natus est, proin-  
de non est verisimile vt hoc cri-  
men in eum cadere possit.

A' NATIONE.

Huic nationi nō proprii sunt mo-  
res, Igitur sequitur nationem.

A' PATRIA.

Ille est Romanus, Ergo homo  
forti ingenio præditus est.

AB ÆTATE.

Ille puer est, Ergo nequaquam  
potuit

COMPENDIVM.

potuit homicidium cōmittere.

A' SEXV.

Facilius latrocinium in viro, ve-  
neficium in foemina.

AB EDVCATIONE & disciplina.  
Optimè educatus & institutus  
est, Igitur & honestissimus &  
studiosissimus est.

AB HABITV CORPORIS.

Cicero pro Roscio argumentas-  
tur sic. Nonne ipsum caput &  
supercilia illa poenitus abrafa o-  
lere maliciam & clamitare calli-  
ditatem videtur. Qui iccirco est  
capite & supercilij rasis, ne vllū  
pilum boni viri habere dicatur.

A' FORTVNA.

Peregrinus est, Igitur minus po-  
tens.

A' CONDITIONE.

Est claro genere ortus, Igitur  
præclara facta facit. Sunt aliij  
multi



**DIALECTICAE**

multi loci personarum, de quibus Cicero in Topicis, & Rosolophus.

**LOCI A' REBUS SVMPTI.**

**A' DEFINITIONE.**

Animal rationale est, Igitur homo est.

**LEGES DEFINITIONVM SVNT TRES.**

¶ Primo, Definitio neque plura neque pauciora quam definitum complectitur, sed de quocunque vnum dicitur, dicitur & alterum.

**SENSVS ISTIVS LEGIS EST**  
*lucidior in exemplo posito.*

Vt si Iuris prudentiam ita finias: Est scientia diuinarum & humanarum rerum, hinc plura finitio complectitur quam definitum.

Quomodo

**COMPENDIVM.**

*Quomodo plura.*

Nam Iurisprudētia nihil tradit de rebus diuinis, sed tantum de rebus ciuilibus tradere solet. Ergo superflue additur finitioni, diuinarum rerum scientia.

*Quomodo pauciora.*

Vt si discordiam ita finis: Discordia est bellum. Hæc definitio pauciora complectitur quam definitum. Nam discordia non est simplex bellum, sed est motus ciuium aduersus magistratus.

¶ Secundo, Quid sit res, Id est, essentiam rei explicato.

¶ Tertio, aperta esto, voces ambiguae, obscurae, à longinquo translatae, à Finitione abiuncto.

**AB ETHIMOLOGIA.**

A' Iusticia nomen obtinetis Iudices: quare prospicite vt iusta censeatis in iudicijs.

A' mai



DIALECTICAE

*A MATERIALI CAUSA.*

Vapor terræ sursum eleuatur,  
Igitur hymbrem facit.

*A FORMALI CAUSA.*

Rotundum est vas, Igitur vo-  
lubile.

*A FINALI CAUSA.*

Domus constructa est gratia tu-  
endi se ab iniurijs coeli, Igitur  
nos in ea continebimus.

*AB EFFICIENTE CAUSA.*

Exstructor fuit egregius, Igitur  
ab eo facta est domus artificiosa.

*A GENERE AD SPECIEM*  
argumentari non possumus as-  
firmatiue, vt, Bellum est, Igitur  
tumultus est, potest enim bellū  
esse sine tumultu.

*A SPECIE AD GENVS.*

Iusticia est, Igitur virtus est.

*A DIFFERENTIA.*

Si ratione caret, Homo non est.

*A pro*

COMPENDIUM.

*A PROPRIO.*

Si iusticia est suum cuiq; tribue-  
re, Hic suum cuiq; tribuit, Ergo  
iustus est.

*A TOTO AD PARTES.*

Si tota Respublica consilio gu-  
bernanda est, Ergo & domus &  
vnusquisq; Ciuium.

*A CONTRARIIS.*

Terra humida est, Ergo sicca es-  
se non potest.

*A PRIVATIONE.*

Mutus est, Igitur non loquitur.

*A CONIUGATIS.*

Fortiter agit, Ergo fortis est.  
Terenti: Homo sum nihil à me  
alienum esse puto.

*AB ADIUNCTIS.*

Amat, Ergo sollicitus. Res enim  
solliciti est plena timoris amor.  
Nam amor & sollicitudo, adiun-  
cta sic sibi sunt, vt vnum absq; al-  
tero esse non possit.

*A si*



DIALECTICAE  
A SIMILIBVS.

Si abſtinentia virtus eſt, Igitur  
et continentia.

SVNT ETIAM ALII LOCI  
SIGNORVM, ſcilicet

A' Loco. A' Tempore.  
Ab Occaſione. A' ſpe perficiendi  
aliquid. A' Commodo.  
Qui valent ad probandum factum  
vel infringendum.

LOCI HYPOTETICI,  
A CONDITIONALI.

Si iuſtitia eſt, virtus eſt. Sed iuſ-  
ticia eſt, Igitur virtus eſt.

A COPVLATIVA.  
Et iuſtitia eſt & Pietas eſt, Sed  
iuſticia eſt, Igitur pietas.

A DISIUNCTIVA.  
Aut Prudentia eſt, aut Continē-  
tia, Sed Prudentia non eſt, Igi-  
tur Continētia eſt.

His præceptimentis cognitis facilius ad ſe-  
quentia peruenies.

Rhet

RHETORI-  
CAE VESTIGI-  
VM.

MARCVS Cicerō in Ora-  
tore ad Brutum inquit, Dialecti-  
cam finitimam eſſe Rhetoricæ.  
Nam Dialectica nudam cauſam  
breuibVS verbis & tanquam pū-  
ctis designat: Rhetorica autem  
addit elocutionem rebus à Dia-  
lectica inuentis, quas veſtit ſicu-  
ti ornamentis verborum & ſen-  
tentiarum. Quare neceſſarium  
eſt, vt Præceptis Dialecticæ co-  
gnitis, Rhetorica quoq; adiun-  
gantur: quæ nihil aliud in ſe cō-  
tinent, niſi eas Regulas, per quas  
diſcentes adſpirare poſſunt ad e-  
loquentiam. Eloquentia autem  
eſt, facultas ſapienter loquendi,  
E et or



# RHETORICAE

et ornate dicendi. **R**hetorica  
verò, Est ars quæ docet viam ac  
rationem rectè et ornate dicendi.

## OFFICIUM ORATORIS.

Oratoris officium est, vt appo-  
site dicat ad persuasionem, Hoc  
est, vt doceat, moueat & delectet  
auditorem.

## QUINQUE SVNT PARTES

quibus paratur persuadendi facultas.

Inuentio, Dispositio, Elocutio,  
Memoria, & Pronunciatio.

## QVID EST INVENTIO?

Est rerum verarum aut verisimilium excogitatio, quæ causam probabilem reddant.

## ET HÆC HABET PRÆCI-

puas suas quatuor causas.

Exordium, Narrationem, Con-  
firmationem, & Conclusionem.

Exordii

## COMPENDIUM.

**I.** Exordium, est præcipuum  
orationis, per quod animus audi-  
toris aut iudicis apparatur ad au-  
diendum.

## IN EXORDIO TRIA SPE- CTANTVR.

Beneuolentia, Attentio, & Do-  
cilitas.

Beneuolentia, quando bene-  
uolos facimus eos apud quos su-  
mus dicturi.

Attentio, quando attentos fa-  
cimus auditores, vt diligenter ab  
ijs audiamur.

Docilitas, quando reddimus  
dociles auditores, vt intelligant  
hoc, de quo sumus dicturi.

**2.** Narratio, est rerum gesta-  
rum aut perinde vt gestarum  
expositio.

E ij

In Nar



RHETORICAE  
IN NARRATIONE TRIA  
SPECTANTVR.

Primo, vt sit brevis, & tunc fit,  
quando breuiter aut summam  
rem narramus.

Secundo, vt sit lucida, & fit, dum  
ordine rem ita vt sit gesta, narra-  
ramus.

Tertio, vt sit verisimilis, & fit,  
quando sic narramus, vt mos, o-  
pinio, naturaq; rei postulat.

3. Confirmatio, est nostrorum  
argumentorum cum asseueratio-  
ne expositio.

IN CONFIRMATIONE spe-  
ctantur loci hi precipue qui sequuntur.

Primo, Honestum quod vir-  
tutes complectitur.

Secundo, Utile, quod rem as-  
liquam esse utilem demonstrat.

Tertio, Facile, quod facilem  
rem

COMPENDIUM.

rem demonstrat.

Quarto, Difficile, comme-  
morat pericula.

Quinto, Possibile etiam ac  
impossibile adiunguntur ad Con-  
firmationem.

APPENDIX.

A statibus etiam Confirmatio-  
nes petuntur. Status autem nihil  
aliud est, nisi primaria sententia  
de qua proprie est controuersia:  
vt, Milo Clodium iure occidit.

TRIPLEX EST STATUS.  
Coniecturalis, In quo coniectu-  
ra valet.

Finitiuus, In quo definitio valet.  
Iuridicialis, In quo ratio valet.

4. Conclusio, est artificiosus  
terminus orationis.

IN CONCLUSIONE TRIA  
SPECTANTVR.

E ij      Primo,



## RHETORICAE

Primò, Amplificatio, dum per cohortationem auditoris animū ad indignatiōem concitamus.

Secundò, Enumeratio, quando ordine certo colligimus ea de quibus prius verba fecimus, à Confirmatiōe initiū sumentes.

Tertiò, Conquestio, dum auditoris animum ad misericordiam mouemus.

## QVID EST DISPOSITIO?

Est ordo & dispositio rerum, quæ demonstrat quid quibuscq; locis sit collocandum.

## IN DISPOSITIONE DVÆ

*Partes spectantur.*

Vna ab arte proficiscitur, altera ad tempus accommodatur.

Quæ autem pars manat ab Arte, quatuor vel sex partiū orationis ordinem seruat, ita vt  
primo

## COMPENDIUM.

primo loco constituas Exordium, à secundo Narratiōem, tertio Confirmatiōem, in extremo loco Conclusionem. Sapius autem Narrationem sequitur Propositio: Confirmationem Confutatio, si postulat necessitas.

Quæ verò pars ad Tempus accommodata est, à Narratione vel firma aliqua Argumentatione principium orationis suæ constituit. Vt est apud Ciceronem, pro Marcello in Oratiōe. Propositio etiam loco Narrationis sæpe ponitur in Orationibus.

## QVID EST ELOCVTIO?

Elocutio est idoneorum verborum & sententiarum ad Inventionem accommodatio.

## IN ELOCVTIONE DVO SPECTANTVR.

*E iij*

*Primò*



## RHETORICAE

Primo, Verba, vt latinè, dilucidè, ornatè, & aptè dicamus de omnibus rebus.

Secundo, Sententiæ, vt optimis sententijs illud quod inuenimus vel disposuimus, exornemus per figuras aut amplificatio-  
ones.

## APPENDIX.

Elocutionis est triplex Forma  
seu Character.

Primo, Grandis, qui magna ex parte proprio sermone constat, & Metaphoras crebriores et longius petitas adsciscit, copiose ampliat adhibitis omnibus figuris, & quasi de industria ostentat ornatum. Liuius & Cicero pro Milone, & in Verrinis hoc Characterē est vsus.

Secundo, Mediocris, qui me-  
dium

## COMPENDIUM.

dium seruat, inter grande & humile genus dicendi. Hoc Cicero in Officijs et paradoxis suis vtitur.

Tertio, Humilis, qui non assurgit vltra quotidianam loquendi formam, seu consuetudinem. Sed tamen omnia tractat suo ordine, nec à Proposito discedit. Hoc Terentius, Cicero in Epistolis Familiaribus, Erasmus in suis colloquijs vtitur.

*SVB ELOCVTIONE TRES FIGURARUM ORDINES CONTINENTUR.*

Primus ordo ad verba pertinet.

Secundus ad Sententias.

Tertius ad amplificandas & augendas orationes, de quibus Petrus Moselanus in Tabulis.

QVID EST MEMORIA?  
Memoria est firma animi, rerū et verborum, dispositiōisq; per-  
ceptio

E 2

ceptio



ceptio: quæ quidem exercitatio  
nè & labore assiduo adiuuatur.  
Hunc thesaurum (teste Ioanne  
Chapuisio in libello de Memori-  
ria & Mente) auferunt hostes  
quatuor: Crapula, Venerea libi-  
do, Somnus, & Ocium,

QVID EST PRONUN-  
TIATIO?

Pronuntiatio, est vocis, vultus,  
et gestus cum venustate moder-  
ratio. Vox, vt sit grandis,  
plena, non exilis aut exigua, le-  
nis, non aspera.

Vultus modestus, fauces inte-  
græ, molles & lenes.

Gestus, debet esse ipsi voci ac-  
commodatissimus.

HACTENVS TRACTATÆ  
sunt quinque partes Oratiōis, qui-  
bus paratur persuadendi facul-

tas: re-

tas: restant Genera causarum,  
quæ punctim perstringam.

Genera causarum omnium, tria  
enumerantur à Rhetoribus, sub  
quibus alia Genera continetur.  
☞ Primo, Genus Demonstra-  
tium, quo continetur laus vel  
vituperatio, Rerum, Personarū,  
Factorum.

☞ Secundo, Genus Deliberati-  
uum, quod versatur in suaden-  
do & dissuadendo.

☞ Tertiò, Iudiciale Genus, qd  
tractat controuersias forenses,  
aut in aliquos inuehitur.

Adiungunt alij quartum Ge-  
nus, nempe Didascalicum, hoc  
est, Doctrinale, quo tū vtimur,  
dum aut docemus, aut interro-  
gamus, aut exponimus, aut disse-  
rimus de rebus: quod quidem  
magis



RHETORICAE  
magis ad Dialecticum pertinet.

HUIUS AUTEM EXEM-  
PLUM TALE E-  
STO.

*ad hoc quod*  
*laudat*  
*stylus*  
*probat*  
Nactus es præclaras ingenij do-  
tes, tu vide ne tibi ipsi defuisse vi-  
dearis: operepretium est, ut cum  
iis verferis, qui te meliorem do-  
ctioremque reddere possint. Neque  
odiosum est sero discere id, quod  
honestum est scire. Styllum igitur  
frequenter exerceas velim,  
quod fiet, si interdum sumpto  
themate, quacunque de re scribas,  
vel oratione numeris astricta vel  
soluta. Interdum Græca vertas  
latine, aliquando latina Græcè:  
et iam solutam orationem in Car-  
men redigas: iam carmen pedes-  
tri oratione decurrere facias.  
Sæpe etiam cum æqualibus aut  
doctioribus

COMPENDIUM.  
doctioribus disputabis, & nunc  
tua argumentis asseuerabis: nunc  
alterius dicta impugnabis. In vni-  
uersum, in serijs æque ac ludicris,  
bonas literas meditaberis.  
Vide tamē ne plus literis, quam  
morum vrbانيتati & comitati  
studuisse videare. Ita fiet, ut sine  
invidia laudem inuenias, & ami-  
cos pares, ut ait Simo Terentia-  
nus. Ceterum quod ad lectio-  
nem spectat, velim ne te diuturna  
& varia lectio obruas: Idem  
enim hinc fieri debet, quod Me-  
dici de cibis præcipiunt: ne nos  
nimium ingurgitemus, sed ita es-  
damus, ut aliquod edendi desy-  
derium adhuc relinquamus. Me-  
moriā autem ita exercebis, ut  
eorum quæ legeris meminisse  
possis: quod fiet, si quæ legeris,  
identis



*Refutatio*  
*De a. f. a.*  
*De finis*  
*De finis*  
**RHETORICAE COMPENDIVM.**  
identidē abs te exigas. Equidem  
non sum nescius, non perinde iu  
cunda esse studia ijs, qui nōdum  
aliquos in eis, pcessus effecerunt.  
Sic enim natura comparatū est,  
vt quo praeclarior, quo admira  
bilior, quo magis est res aliqua  
expetēda: hoc aditus ad illā atq;  
ingressus sit difficilior. Quēad  
modum magnarum arborum al  
titudo nos delectat, stirpes radi  
cesq; nō item: ita in literarū aut  
virtutū studijs progressiōes vo  
luptatem mirificam: initia verò  
primiq; introitus, aliqd laboris  
et molestie adferre consueuerūt.  
Fac igitur, vt primo quocq; tēpo  
re, quantum in bonis literis  
profeceris, sciam.

Vale.

*Finis*  
**Finis præceptionum Dialectices &  
Rhetorices.**

40  
39  
**ERRATA.**

In quaterniōe A, folio 7, facie 1, pro Infima lege  
Infima. fac: 2, uersu 5, expūge ne. In quaterniōe B  
fo: 2, fa: 1, p cōcipitur le: cōcipitur. fo: 3, fa: 2, pro  
motus le: metus. In quatern: C, fo: 1, fa: 2, p iuest  
le: inest. fo: 8, fa: 1, p nulum lege nullum. In quat:  
D, fo: 8, fa: 2, p præceptimētis le: præceptiūculis.



BIBLIOTH: UNIV





